

Reglugerð þessi staðfestist hér með samkvæmt lögum um hafnargerðir og lendingarbætur, nr. 29 23. apríl 1946, sbr. lög nr. 41 5. apríl 1948, til að öðlast þegar gildi, og birtist til eftirbreytni öllum þeim, sem hlut eiga að máli.

Samgöngumálaráðuneytið, 16. september 1963.

Emil Jónsson.

Brynjólfur Ingólfsson.

AUGLÝSING

um erlend lán og innflutning með greiðslufresti.

Í samræmi við 8. og 9. gr. reglugerðar nr. 79 1960, um skipan gjaldeyris- og innflutningsmála o. fl., hefur viðskiptamálaráðuneytið ákveðið eftirfarandi:

1. Heimilt skal að flytja inn allar aðrar vörur en hér eru taldar á eftir með allt að þriggja mánaða greiðslufresti, enda hafi innflytjendur áður samið við Landsbanka Íslands eða Útvegsbanka Íslands um greiðslufyrirkomulag vörunnar:

Tollskrá

Kafla Nr.

Vörutegund

84.15.30	Kælitæki, einkum til heimilisnotkunar, rafmagnsknúin.
84.18.21	Þeytivélar til þurrkunar á þvotti, einkum til heimilisnotkunar.
84.19.01	Uppþvottavélar, einkum til heimilisþarfa.
84.40.12	Strokvélar, einkum til heimilisnotkunar.
84.40.20	Fataþvottavélar, einkum til heimilisnotkunar.
85.06.01	Ryksugur.
85.06.02	Hrærivélar.
85.06.03	Aðrar rafknúnar eldhúsvélar.
85.06.09	Önnur rafknúin búsaðhöld.
85.07.02	Rakvélar með innbyggðum rafmagnshreyfli.
85.12.01—	
85.12.03	
85.12.05	
85.12.09	Rafmagnseldavélar, rafmagnsofnar, rafmagnshellur, rafmagnshársnyrtitæki og önnur rafmagnshitunartæki.
85.15.10	Sjónvarpsviðtæki, einnig með innbyggðum grammófón og/eða útvarpsviðtæki.
85.15.20	Útvarpsviðtæki, einnig með innbyggðum grammófón.
87.02.11—	
87.02.12	Nýjar og notaðar fólksbifreiðir til annarra en atvinnubifreiðastjóra.
87.02.36	Sendiferðabifreiðir til annarra en atvinnubifreiðastjóra.
87.02.37	Bifreiðir í jeppaflokki.
87.02.39	
87.09.00	Bifhjól og reiðhjól með hjálparvél, einnig með hliðarvagni; hliðarvagnar til bifhjóla og reiðhjóla.
92.11.01	Grammófónar og plötuspilarar.
92.11.02	Hljóðupptökutæki og bandspilarar.

2. Ekki er heimilt að flytja inn vörur með þriggja til 12 mánaða greiðslufresti, nema sérstakt samþykki komi til, er Landsbanki Íslands og Útvegsbanki Íslands geta veitt samkvæmt nánari ákvörðun viðskiptamálaráðuneytisins. Þeir, sem hyggjast flytja inn vörur með slíkum fresti, skulu því leita samþykkis þessara banka áður en varan er send frá útlöndum.

3. Við innflutning með allt að 12 mánaða greiðslufresti er óheimilt, að greiðslufrestur hefjist seinna en á komudegi vörunnar til landsins.

4. Ekki er heimilt að taka lán eða semja um greiðslufrest til allt að 12 mánaða vegna annars en vörukaupa, nema með sérstöku leyfi, sem Landsbanki Íslands og Útvegsbanki Íslands geta veitt samkvæmt nánari ákvörðun viðskiptamálaráðuneytisins.

5. Greiðslufyrirkomulag, sem er andstætt auglýsingu þessari, en innflytjendur hafa sannanlega samið um fyrir gildistöku hennar samkvæmt þágildandi reglum og gerir ráð fyrir allt að 12 mánaða greiðslufresti, skal halda gildi sínu, enda verði hlutaðeigandi vörur tollafgreiddar fyrir 20. október 1963, og greiðslufresturinn hefjist eigi seinna en á komudegi vörunnar til landsins.

6. Ekki er heimilt að taka lán erlendis eða fá greiðslufrest til lengri tíma en eins árs, nema með samþykki ríkisstjórnarinnar. Þeir, sem hyggjast taka slík lán eða fá slíkan greiðslufrest, skulu afhenda umsóknir um það til Landsbanka Íslands eða Útvegsbanka Íslands.

Auglýsing þessi tekur gildi nú þegar. Jafnframt fellur úr gildi auglýsing viðskiptamálaráðuneytisins um sama efni frá 31. maí 1960.

Viðskiptamálaráðuneytið, 16. september 1963.

Gylfi Þ. Gíslason.

Þórhallur Ásgeirsson.

GJALDSKRÁ OG REGLUR

fyrir Landssímamann.

I. KAFLI

Gjaldskrá fyrir talsímanotendur í sambandi við handvirkar stöðvar, sbr. þó III. kafla um notendasíma í sveitum.

A. Stofngjald.

1. Fyrir 1 línu með 1 venjulegu talfæri	kr. 2800.00
2. — hvert venjulegt aukatalfæri í sömu íbúð	— 1000.00
3. — aukabjöllu (venjulega)	— 400.00
4. — tengil (með rafvökum)	— 400.00

Stofngjöld fyrir miðstöðvarborð verða ákveðin af póst- og símamálastjórninni í hvert skipti eftir gerð borðanna og stærð. Svo er og um önnur tæki og aðrar gerðir símabúnaðar en hinar venjulegu, sem að framan greinir.

Ofanefnd gjöld eru lágmarksgjöld. Ef nýlagnir krefjast tiltölulega mikils kostnaðar að dómi póst- og símamálastjórnarinnar, svo sem nýrra staura, nýrra jarðsíma, nýs skiptiborðs eða vegna rúmleysis á stauraröðum eða í stöðvarskiptiborðum, verða gjöldin ákveðin af póst- og símamálastjórninni í hvert skipti.